

Литургия иже во святых отца нашего Григория Богослова.

МОЛИТВА ПРОСИТЕЛЬНАЯ, читаемая иереем:

Посетивый нас милостию и щедротами, Владыко Господи Иисусе Христе, и даровавый нам дерзновение, смиренным и грешным и недостойным рабом Твоим, предстати святому Твоему жертвеннику и приносить Тебе страшную сию и безкровную жертву о наших гресех и о людских неведениях, во оставление и упокоение преждепочивших отец наших и братий и во утверждение всего народа Твоего, призри на мя, непотребного раба Твоего, и изгладь прегрешения моя Твоим благоутробием, и очисти моя уста и сердце от всякия скверны плоти и духа, и отжени от мене всякое помышление постыдное и неразумное, и удовли мя силою Всесвятаго Твоего Духа, в службу сию, и прими мя по Твоей благодати, приближающагося святому Твоему жертвеннику. И благоволи, Господи, приятным быти приносимым Тебе даром сим от рук наших, низходя нашим немощам. И не отвержи мене от лица Твоего, ниже возгнушайся моего недостойнства, но помилуй мя, Боже, по велицей милости Твоей и по множеству щедрот Твоих остави беззакония моя, яко да неосужденно приходя пред лице славы Твоея, удостоюся покрова Твоего и осияния Всесвятаго Твоего Духа. И да не яко раб греха отвержен буду, но яко раб Твой обрету благодать и милость и оставление грехов в нынешнем и будущем веке. Ей, Владыко Вседержителю, Всесильне Господи, услыши моление мое, Ты бо еси вся действуя во всем, и от Тебе вси чаем во всем помощи и заступления.

Яко человеколюбец еси и препрославлен сый, Иисусе Боже наш, со Безначальным Твоим Отцем и со Святым Твоим Духом, ныне и присно и во веки веков. Аминь.

ВХОД СВЯТЫХ ПИСАНИЙ.

Священнослужители, поющие «Едиnorodный Сыне и Слове Божий», полагают Святое Евангелие на престол и один за другим входят через царские врата в алтарь.

Затем иерей читает МОЛИТВУ ПОСЛЕ ПРИГОТОВЛЕНИЯ СВЯТАГО ЖЕРТВЕННИКА:

Владыко Господи Иисусе Христе Боже наш, спасительным пришествием Твоим и осиянием Всесвятаго Твоего Духа достойный нас, смиренных и грешных и недостойных рабов Твоих, предстати святому Твоему жертвеннику и приносить и служить пречистым таинствам Новаго Твоего Завета, Сам, животворче и благих подателю, сотвори знамение во благо и удостой нас в чистой совести служить Тебе во вся дни жизни нашей, и во освящении сию Ти божественную приносить службу, во оставление грехов и в предвкушение будущего блаженства. Помяни, Блаже, Благодетелю, Царю веков и всея твари Содетелю, принесших и ихже ради принесоша, и нас неосужденных сохрани во священнодействии божественных Твоих таинств.

Яко благословися и святися и прославися всечестное и великолепое имя Твое, со Отцем и Святым Духом, ныне и присно и во веки веков. Аминь.

Иерей:

Мир всем.

Народ:

И духови твоему.

Иерей (читает) МОЛИТВУ СВЯТАГО ЕВАНГЕЛИЯ:

Владыко Господи Иисусе Христе Боже наш, Иже святым Твоим учеником и апостолом рекл еси, яко мнози пророцы и праведницы вожделеша видети, яже видите, и не видеша, и слышати, яже слышите, и не слышаша, ваша же блаженна очеса, яже видят, и уши, яже слышат. Мы же да сподобимся ныне слышати и исполняти святое Твое Евангелие молитвами святых Твоих. Помяни убо, Владыко, и ныне всех заповедавших нам недостойным поминати их в молениях наших и прошениях, яже воссылаем Ти, Господи Боже наш.

Преждескончавшиися упокой, недугующия исцели.

Ты бо еси жизнь всех нас и исцеление всех нас и воскресение всех нас, и Тебе славу, честь и поклонение возсылаем, со Безначальным Твоим Отцем и Всесвятым и Живоначальным и Единосушным Твоим Духом, ныне и присно и во веки веков. Аминь.

После молитвы чтец читает из Ветхого Завета и затем Апостол. Диакон читает Евангелие. После чтения (произносится) проповедь.

Затем народ поет ХЕРУВИМСКУЮ ПЕСНЬ:

Да молчит всякая плоть человека и да стоит со страхом и трепетом, и ничтоже земное в себе да помышляет, Царь бо царствующих и Господь господствующих приходит заклатися и датися в снедь верным. Предходят же сему лица ангельстии со всяким началом и властью...

Во время пения народом Херувимской песни иерей читает МОЛИТВУ КАТАПЕТАСМЫ:

Никтоже достоин от связавшихся плотскими похотьми и сластями приходити или приблизитися или служити Тебе, Царю славы, еже бо служити Тебе велико и страшно и самом небесным силам. Но обаче неизреченнаго ради и безмернаго Твоего человеколюбия непреложно и неизменно был еси человек и архиерей нам был еси, и служебныя сея и безкровныя жертвы священнодействие предал еси нам, яко Владыка всех. Ты бо един, Господи Боже наш, владычествуеши небесными и земными, Иже на престоле херувимсте носимый, иже серафимов Господь и Царь Израилев, Иже един свят и во святых почиваяй. Тя убо молю, единаго благаго и благопослушливаго: призри на мя грешнаго и непотребнаго раба Твоего и очисти мою душу и сердце от совести лукавыя и удовли мя силою Святаго Твоего Духа, облеченна благодатию священства предстати святей Твоей сей трапезе и священнодействовати святое и пречистое Твое Тело и честную Кровь. К Тебе бо прихожду, приклонь мою выю, и молются, да не отвориши лица Твоего от мене, ниже отринеш мене от отрок Твоих, но сподоби принесенным Тебе быти мною, грешным и недостойным рабом Твоим, даром сим. Ты бо еси приносяй и приносимый, и приемляй и раздаваемый, Христе Боже наш, и Тебе славу возсылаем, со Безначальным Твоим Отцем и Пресвятым и Благим и Животворящим Твоим Духом, ныне и присно и во веки веков. Аминь.

После великого входа диакон (возглашает):

Всех вас да помянет Господь Бог во Царствии Своем всегда, ныне и присно и во веки веков.

Иерей повторяет то же самое.

Народ заканчивает ХЕРУВИМСКУЮ ПЕСНЬ:

...Многоочитии херувими и шестокрилатии серафими, лица закрывающе и вопиюще песнь: аллилуиа, аллилуиа, аллилуиа.

Иерей (читает) МОЛИТВУ ОЧИЩЕНИЯ:

Господи Боже наш Вседержителю, зная ум человек, испытуяй сердца и утробы, Иже мене недостойнаго призывай к сей службе Твоей, да не возгнушаеши мене, ниже лица Твоего отвориши от мене, но очисти моя вся прегрешения и омой мою скверну телесную и скверну душевную, и всего мя освяти, да не како умоляя Тя дати оставление другим грехов, сам неискусен буду. Ей, Господи, не отвориши от мене, смиреннаго и непотребнаго, но низпосли мне благодать Святаго Твоего Духа и удостой мя предстати святому Твоему жертвеннику неосужденно, и приноситьи Ти словесное и бескровное приношение сие, с чистою совестью, в прощение моих грехов и прегрешений и во оставление народа Твоего неведений, во упокоение и отдохновение преждепочивших отец наших и братий, и во утверждение всего народа Твоего.

Во славу Твою, Отца и Сына и Святаго Духа, ныне и присно и во веки веков.

Народ:

Аминь.

Иерей:

Мир всем.

Народ:

И духови твоему.

Иерей (читает) МОЛИТВУ ЦЕЛОВАНИЯ:

Сый и прежде Сый и пребываяй во веки, Иже Отцу совечный и единосущный и сопредстольный и содетельный, Иже по единой благодати от не сущих во еже быти приведей человека и положивый его в раю сладости, лестию же врага и преступлением Твоя заповеди падшаго обновити хотяй, и к древнему возвести достоинству, не ангелам, ни архангелам, ни патриархам, ни пророкам наше вверил еси спасение, но Сам

непреложно плоть был еси, и вочеловечился, и во всем уподобился нам, разве единого греха, Посредник нам был еси и Отцу, и средостение градежа и древнюю вражду разрушил еси, земная небесным сочетал еси и обоя во едино собрал еси и воплощенное исполнил еси домостроительство. И хотя телесно вознестися на небо, божественнейше вся исполняя, святым Твоим учеником и апостолом Твоим сказал еси: Мир оставляю вам, мир Мой даю вам. И ныне мир сей даруй нам, Владыко, всякую очищая скверну, всякую лесь и всякую злобу и коварство и смертоносное памятозлобие, и удостой нас приветствовати (друг друга) во святем целовании, во еже причаститися неосужденно безсмертнаго и небеснаго Твоего дара, благодатию и человеколюбием Отца и содействием Святаго Духа.

Ты бо еси Податель и Раздаятель всех благих, и Тебе славу и непрестанное славословие возсылаем, со Безначальным Твоим Отцем и Святым Твоим Духом, ныне и присно и во веки веков. Аминь.

Сослужащие (приветствуют) друг друга целованием мира и затем двое из них выносят верным для целования Святое Евангелие, которое первым целует предстоятель, (а потом и прочие) сослужащие по порядку.

Диакон:

Возлюбим друг друга.

Народ:

Возлюблю Тя, Господи, крепосте моя, Господь утверждение мое и прибежище мое и избавитель мой.

Диакон:

Двери, двери, премудростию вонмем.

Чтец (читает) СИМВОЛ ВЕРЫ.

Диакон:

Станем добре.

Народ:

Милость мира.

Иерей:

Любовь Бога Отца и благодать Единороднаго Сына, Господа же и Бога и Спаса нашего Иисуса Христа, и причастие и дар Святаго Духа буди со всеми вами.

Народ:

И со духом твоим.

Иерей:

Горе имеим сердца.

Народ:

Имамы ко Господу.

Иерей:

Благодарим Господа.

Народ:

Достойно и праведно.

СВЯТОЕ ВОЗНОШЕНИЕ

(начало приношения)

Иерей:

Воиститну бо достойно есть и праведно Тя хвалити, Тя благословити, Тебе поклоняться, Тебе славити, Единого истиннаго Бога, человеколюбиваго, неизреченнаго, невидимаго, невместимаго, безначальнаго, вечнаго, безлетнаго, безмернаго, непреложнаго, неведомаго, Творца всяческих, Искупителя всех, очищающаго вся беззакония наша, исцеляющаго вся недуги наша, избавляющаго от истления жизнь нашу, венчающаго нас милостию и щедротами. Тебе хвалят ангели, Тебе поклоняются архангели, Тебе начала воспевают, Тебе господствия возглашают, Тебе власти славу воздают, Тебе престолы хвалу возсылают, тысящи тысящ Тебе предстоят и тьмы тем Тебе службу приносят. Тебе поет невидимая, Тебе поклоняется явленная, вся творящему словом Твоим, Владыко.

Диакон:

Седящици, востаните.

Иерей:

Сый Боже, Господи истинный от Бога истинного, Иже Отца нам показавый сияние, Иже Святаго Духа истинное познание нам даровавый, Иже великое сие показавый жизни таинство, Иже со безтелесными человеком хоростояние утвердивый, Иже серафимом на земли заповедавый хваление, приими со невидимыми и наш глас. Сочетай нас небесным силам, рцем и мы с ними, всякое безместное помышление отложивше, возопием якоже тии, немолчными взывающе гласы, непрестанными усты Твое величество воспоем.

Диакон:

На востоки зрите.

Иерей:

Тебе бо предстоят окрест серафими, шесть крил единому и шесть крил единому, и двема убо покрывают лица своя, двема же ноги своя, и двема летают, и взывают един ко другому.

Победную песнь спасения нашего, со гласом славным, светлым гласом песнословяще, поюще, вопиюще, славословяще, взывающе и глаголюще.

Диакон:

Вонмем.

Народ:

Свят, свят, свят Господь Саваоф, исполнь небо и земля славы Твоея. Осанна в вышних, благословен Грядый во имя Господне, осанна в вышних.

Иерей:

Свят, свят, свят еси, Господи, и пресвят. Изрядно Твоего существа сияние, неизреченна Твоея премудрости сила, никое же слово измерит Твоего человеколюбия пучину. Сотворил еси мя человека, яко человеколюбец, не Сам моего рабства ища, аз же паче требуя Твоего владычества, не суца мя, по благоутробию привел еси (в бытие), небо мне в покров дал еси, землю мне в подножие уставил еси, ради мене море укротил еси, ради мене естество животных показал еси, вся подчинил еси под ногама моима, ничесоже от Твоего человеколюбия дел мя лишил еси.

Народ:

Господи помилуй.

Иерей:

Ты создал еси мя и положил еси на мне руку Твою, Твоея власти во мне образ написал еси, слова божественный дар вложил еси, в сладость мне рай отверзл еси, Твоего познания научение предал еси, показал еси мне древо жизни, смерти же жало ведети (научил еси), единого ми древа вкушение запретил еси, от негоже единого рекл ми еси не ясти, аз же вкусих, закон наруших, волею заповедь презрех и смерти приговор восхитих.

Народ:

Господи помилуй.

Иерей:

Ты мя, о Владыко, клятвы изменил еси, яко Пастырь добрый на заблудшее притекл еси, яко Отец истинный мне падшему соболезнуя, всякия к жизни врачевства подал еси. Сам ми пророков послал еси, мене ради недугующаго закон в помощь дал еси. Сам ми послужил еси. Свет заблудшим возсиял еси, неведущих присно Сый посетил еси, в девственную вселился еси утробу. Невместимый Бог сый, не хищение непщева быти равен Богу, но Себе умалил еси, зрак раба прием, мое же в Себе естество благословил еси, вместо мене закон исполнил еси, падения моего востание совершил еси. Дал еси во аде держимым оставление, клятву законную отгнал еси, во плоти грех упразднил еси, Твоея власти мне могущество открыл еси, слепым еже видети дал еси, мертвых от гробов воскресил еси, глаголом естество исправил еси, Твоего благоутробия ми

домостроительство показал еси, от лукавых насилие претерпел еси, плещи Своя дал еси на раны, ланита же Своя подставил еси на заушения, не отвратил еси лица Твоего от студа заплеваний.

Народ:

Господи помилуй.

Иерей:

Яко овча на заколение шел еси, даже до креста о мне попечение показал еси, Твоим погребением мой грех умертвил еси, на небеса мой начаток возвел еси, Твоего пришествия мне обетование дал еси, в немже хочещи приити судити живым и мертвым, и воздати каждому по делом его.

Народ:

По милости Твоей, Господи.

Иерей:

Сего моего свобождения приношу Ти образы, глаголов Твоих восписую дела. Ты ми таинственное сие предал еси Плоти Твоя в хлебе и вине причастие.

Народ:

Веруем.

Иерей:

В ночь, в нуже предаеше Сам Себе Своею властью.

Народ:

Веруем.

Иерей:

Прием хлеб во святя Твоя и пречистя и непорочныя руки, возрев горе к Самому Твоему Отцу, Богу нашему и Богу всяческих, благодарив, благословив, освятив, преломив, даде святым Твоим учеником и апостолом рек: Примите, ядите, сие есть Тело Мое, еже за вы и за многия ломимое и раздаваемое во оставление грехов; сие творите в Мое воспоминание. И по еже вечеряти прием чашу и исполнив ея от порождения лознаго и от воды, благодарив, благословив, освятив, даде святым Своим учеником и апостолом рек: Пийте от нея вси, сия есть Кровь Моя, Новаго Завета, яже за вы и за многия изливаемая во оставление грехов; сие творите в Мое воспоминание. Елижды бо аще ясте хлеб сей, пиете же и чашу сию, смерть Мою возвещаете и Мое воскресение исповедуете, дондеже прииду.

Народ:

Смерть Твою, Господи, возвещаем и воскресение Твое исповедуем.

Иерей:

Якоже убо, Владыко, воспоминае еже на землю низхождение, животворную смерть, тридневное Твое погребение, еже из мертвых Воскресение, еже на небеса восхождение, еже одесную Отца седение, и будущее с небес второе и страшное и славное Твое пришествие...

Иерей возглашает:

Твоя от Твоих даров Тебе приносяще о всех и за вся и во всех.

Народ:

Тебе поем, Тебе благословим.

Диакон:

Приклонитесь Богу со страхом.

Иерей:

Сам убо, Господи, Твоим глазом предлежащая преложи, Сам съи таинственныя сея службы исправление. Сам нам Твоего служения память сохрани. Сам Духа Твоего Всесвятаго низпосли, яко да, пришедый святым и благим и славным Твоим присутствием, освятит и преложит предлежащая честныя и святя Дары сия в самое Тело и Кровь нашего искупления.

Народ:

Аминь.

Диакон:

Вонмем.

Иерей:

И сотворит убо хлеб сей яко да будет во святое Тело Твое, Господа же и Бога и Спаса и Всецаря нашего Иисуса Христа, во оставление грехов и в жизнь вечную от него причащающимся.

Народ:

Аминь.

Иерей:

Чашу же сию честную Твою Кровь Новаго Завета Твоего, Господа и Бога и Спаса и Всецаря нашего Иисуса Христа, во оставление грехов и в жизнь вечную от нея причащающимся.

Народ:

Аминь.

Диакон произносит ЕКТЕНИЮ:

Тя молим, Христе Боже наш.

Народ (отвечает на каждое прошение):

Господи помилуй.

Диакон:

Церкви Твоя, Господи, основания утверди.

Любви в нас единомыслие вкорени.

Веры истину умножи.

Благочестия Твоего нам путь благоуправи.

Пастырие укрепи.

Пасомья утверди.

Дажь клиру благонравие.

Монахам воздержание.

Сущим в девстве целомудрие.

Сущим в честном браке благожизние.

Кающимся милость.

Богатым благодать.

Нищим помощь.

Старья укрепи.

Юныя целомудри.

Неверныя обрати.

Укроти раздоры Церквей.

Ересей разори гордыню.

Всех нас в Твоего благочестия единомыслие сочetaй.

Народ:

Господи помилуй.

Иерей:

Помяни, Господи, мир, святыя соборныя и апостольския Церкви, яже от конец до конец вселенныя, и яже в них православныя епископы, право правящия слово Твоея истины. Помяни, Господи, святейшия и блаженнейшия архиереи наша.

Народ (отвечает на каждое прошение):

Господи помилуй.

Иерей:

Помяни, Господи, благочестивыя цари. Помяни, Господи, яже в палате братия наша верныя и православныя и все воинство.

Помяни, Господи, приносящия святыя дары сия, и о нихже и имиже принесоша, и мзду небесную подаждь всем им.

Помяни, Господи, иже в горах и вертепех и пропастьх земных, и иже в пленении сущих братий наших, и мирная возставления во своя даруй.

Диакон:

Помолитесь о плененных.

Народ:

Господи помилуй.

Тогда приклоняет совершитель голову, молясь о каждом про себя.

Иерей:

Помяни, Господи, и мою осужденную и несчастную душу, смирение мое, и прости ми вся моя прегрешения, и идеже умножися грех, да изобилует благодать Твоя.

(Иерей) приклоняет голову и возглашает:

Яко народ Твой и Церковь Твоя молит Тя, и чрез Тебя и с Тобою Отца, глаголюще...

Народ:

Помилуй нас, Боже, Спасителю наш (трижды).

Иерей:

Помилуй нас, Боже, Спасителю наш (трижды).

Народ:

Господи помилуй (трижды).

Иерей:

Помяни, Господи, воздух и плоды земли. Помяни, Господи, соразмерное возхождение речных вод. Помяни, Господи, дожди и сеяния земли. Возвесели паки и обнови лице земли. Бразды ея упой, исполни жита ея, представи нам сия в сеяние и в жатву, и ныне благословляя благослови, жизнь нашу соблюди. Благослови венец лета благодсти Твоея, нищих ради народа Твоего, вдовицы ради и сироты, странника ради и пришельца, нас ради всех, на Тебе надеющихся и призывающих имя Твое святое. Очи всех на Тя уповают, и Ты даеши им пищу во благовремение. Сотвори с нами по благодсти Твоей, давая пищу всякой плоти. Исполни радости и веселия сердца наша, яко да во всем всегда вское самодовольство имуще, избыточествуем во всякое дело благое, творити волю Твою святую.

Народ:

Господи помилуй.

Диакон:

Даруй народу Твоему единомыслие.

Народ (отвечает на каждое прошение):

Господи помилуй.

Диакон:

Миру благостояние.

Воздуху благорастворение.

Недугующим спасение.

Нуждающимся отдохновение.

Сущим в изгнании оставление.

Сирым помощь.

Вдовицам заступление.

Скорбящая удовли во благо.

Стоящая укрепи.

Падшая возстави.

Восставшая утверди.

Усопшая помяни.

Согрешившая и покаявшаяся сопричти верным Твоим.

Верных сопричти мучеником Твоим.

Сущих в месте сем подражателями ангелов соделай. И нас, недостойных, Твоею благодатию к Твоему призванным служению приими.

Народ:

Господи помилуй.

Иерей:

Помяни, Господи, град сей, и иже в православней вере живущих в нем, и всякий град и страну, со всем миром их. И избави нас от губительства и глада, труса и потопа, огня и пленения варварскаго, и от чуждых мечей и от возстания врагов же и еретиков.

Народ:

Господи помилуй.

Иерей:

Помяни, Господи, преждепочившия преподобныя отцы наша православныя епископы, и вся от века Тебе благоугодившия отцы, праотцы, апостоли, пророцы, проповедницы, евангелисты, мученики, исповедники и всякий дух праведный, в вере Христовой скончавшийся.

Иерей:

Изрядно пресвятую, преславную, пречистую, преблагословенную Владычицу нашу Богородицу и Приснодеву Марию.

Народ:

Богородице Дево, радуйся, благодатная Марие, Господь с Тобою. Благословенна Ты в женах, и благословен Плод чрева Твоего, яко Спаса родила еси душ наших.

Иерей:

Святого славнаго пророка, Предтечу, Крестителя и мученика Иоанна, святого Стефана перводиакона и первомученика, святого и блаженнаго отца нашего Марка, апостола и евангелиста, и иже во святых отца нашего Григория, и ихже во днешний день память творим, и всякий лик святых Твоих, ихже молитвами и молениями и нас помилуй и спаси имене Твоего ради святого, призываемаго от нас.

Диакон (читает) ДИПТИХИ.

Иерей:

Помяни, Господи, преждеусопшия в православней вере отцы наша и братия, и упокой души их с преподобными и праведными. Воскорми, собери (их) в месте злачне, на воде упокоения, в раи сладости, и с ними — ихже рекохом имена их.

Помяни, Господи, ихже помянухом и ихже не помянухом, верных и православных, с ними же и нас, яко благий и человеколюбец Бог.

Народ:

Ослаби, остави, прости.

Иерей:

Ты бо еси Бог наш милостивый, не хотяй смерти грешника, но еже обратитися и живу быти ему. Боже, посети нас во спасении Твоем, сотвори с нами по благодсти Твоей, творяй преизобильно яже просим или помышляем. Яко да и в сем, якоже и во всем прославится и вознесется и восхвалится и благословится и святится всесвятное и честное и благословенное имя Твое, вкупе со пречистым Твоим Отцем и Святым Духом.

Народ:

Яко бе, и есть, и будет.

Диакон:

Диаконы, приступите.

Иерей:

Мир всем.

Народ:

И духови твоему.

НАЧАЛО ПРЕЛОМЛЕНИЯ

Иерей:

Иисусе Христе, спасительное имя, Иже божественныя и пречистыя и небесныя сия таинства уставивый, Иже иереев в чин служителей поставивый, невидимую же силою Твоею сия пременивый, Иже чистым сердцам являйся и поистине приблизишься к Себе позволяя,

Иже тогда благословивый, и ныне благослови.

Иже тогда освятивый, и ныне освяти.

Иже тогда преломивый, и ныне напитай.

Иже тогда преподавый Себе Самого учеником и апостолом, и ныне раздай нам и всему народу Твоему, Человеколюбче, Вседержителю, Господи и Боже наш.

Диакон:

Помолитесь.

Народ:

Господи помилуй.

Иерей:

Мир всем.

Народ:

И духови твоему.

Иерей читает МОЛИТВУ ПРЕЛОМЛЕНИЯ:

Благословен еси, Христе Боже Вседержителю, Искупителю Своея Церкви. О Слове, Егоже предуведели Самого, и Человека, Егоже предвидели Самого, Иже непостижимым Твоим воплощением уготовал еси нам хлеб небесный, сие Тело Твое, егоже положил еси едино таинство и всесвятое во всяческих, исполнил еси нам чашу от лозы истинныя, от божественнаго и пречистаго Твоего ребра, Иже и по еже дати Духа изливая из него кровь и воду во освящение всего мира. Стяжи ны, благий Господи, недостойныя рабы Твоя, сотвори ны люди обновления, царское священство, народ святой. Освяти и нас, Боже, якоже освятил еси предлежащая и святыя дары си, и сотворил еси я невидимая из видимых, таинства яже предуведели сия Тебе, Господи Боже Спасителю наш Иисусе Христе. Ты убо, Господи, многога ради благоутробия Твоего, удостоил еси нас чрез святое Крещение быти сыны и наследники. Научил еси нас образу молитвы яко есть таинственно, еже молиться в ней пречистому Твоему Отцу. Ты убо и ныне, Владыко Господи, удостой нас во освященной совести и помышлении благом, иже подобает совершенным, и с теплою любовию и дерзновением благим смети призывать Сущаго на небесех.

Народ (произносит) МОЛИТВУ ГОСПОДНЮ:

Отче наш, Иже еси на небесех,

да святится имя Твое,

да приидет Царствие Твое,

да будет воля Твоя,

яко на небеси и на земли.

Хлеб наш насущный даждь нам днесь,

и остави нам долги наша,

якоже и мы оставляем должником нашим,

и не введи нас во искушение,

но избави нас от лукаваго.

Иерей:

Яко Твое есть Царство и сила и слава во веки веков.

Народ:

Аминь.

Иерей:

Ей, Господи, Господи, давай нам власть наступати на змию и на скорпию и на всякую силу вражию, сокруши и подчини главы врагов наших под ноги наша вскоре, и всякую злохитрость их, замышляемую противу нас, разори.

Яко Ты еси Царь и Спаситель всех, Христе Боже, и Тебе славу и благодарение и поклонение возсылаем на всяк день, со Безначальным Твоим Отцем и Святым Духом, ныне и присно и во веки веков.

Народ:

Аминь.

Диакон:

Главы наша Господеви приклоним.

Народ:

Тебе Господи.

Иерей читает МОЛИТВУ ГЛАВОПРИКЛОНЕНИЯ:

Приклонивый небеса и сошедый на землю во спасение рода человеческого, Иже Твоею благодатию всякий исправил еси избыток, творяй вся преизобильно, яже просим или помышляем, Человеколюбче благий, прости руку Твою невидимую благословенную, исполненную милости и щедрот, и благословляя благослови рабы Твоя, и очисти я от всякия скверны плоти и духа. И сотвори нас причастники и сродники быти Твоей благодати, яко да во освящении и праведности Тебе мольбу приносяще, достойно причастимся предлежащих нам благих, пречистаго Тела Твоего и честныя Крове Твоея.

Ты бо поклоняем и препрославлен Сый, и Тебе подобает всякая слава, величие, держава же и власть, вкупе с пречистым Твоим Отцем и со Святым Духом, ныне и присно и во веки веков.

Народ:

Аминь.

Иерей:

Вонми, Господи Иисусе Христе, Боже наш, от святого жилища Твоего и от престола славы Царствия Твоего, и прииди во еже освятити нас, приклонившихся Тебе, Иже горе со Отцем седяй и zde нам невидимо спребываяй. И сподоби державною Твоею рукою преподати нам пречистое Тело Твое и честную Кровь, и нами всем людям.

Диакон: Вонмем Богу со страхом.

Иерей:

Мир всем.

Народ:

И духови твоему.

Иерей читает МОЛИТВУ ОСВОБОЖДЕНИЯ:

Агнче Божий, вземляй грех мира, всечистую Кровь Свою изливай за жизнь мира, и во искупление и измену всех Себе предавай, от смерти искупивый, в нейже держими бехом, проданы под грехом, Иже боящихся Его творяй волю и моления их слышай и спасаяй их, Иже праведнаго Иова послушал еси, востававшего заутра и о чадах возлюбленных жертвы приносившаго и глаголавшаго: негли когда помыслиша сынове мои в сердцах своих лукавая на Бога. И мене, смиреннаго и грешнаго и непотребнаго раба услыши, умоляющаго о Твоих ближних, отцех моих и братиях, и о моем ничтожестве. Милостивым лицом и тихим оком призри на ны в час сей, и остави нам всякое наше отвержение и всякое преступление и преслушание закона и Твоих заповедей, еще же и всякую совесть, и всякое памятозлобие, и всякия дела, и всякия движения, обретающияся в них, денно же и ночью связующия и обладающия душою. И свободи их от всякия совести лукавыя, и всякаго бесплоднаго дела, и всякаго помышления разжженнаго, еже оскверняет чистоту души. Даруй им грехов познание и еже совершенно ошаятися от них. Даруй им чистоту покаяния и еже к Тебе обращение. Ты бо, Владыко Господи, обнищал еси волею во еже Тебе воплотитися ради спасения рода нашего, и раздрал еси еже на ны рукописание на кресте Твоих божественных дланий простертием. Сохрани всех, Владыко любодушне, яко всяческая работна Тебе, и от Тебе (всякое) наше начинание, и ничтоже деется рукама

нашими. Сего ради Твое Царствие прославляем и воспеваем Тя, Христе Боже наш. Исполни нас страхом Твоим и исправи во благо волю Твою.

Ты бо еси Бог наш, и Тебе подобает слава, честь и поклонение...

Иерей:

Тело и кровь.

Диакон:

Со страхом Божиим вондем.

Иерей возвышает Владычествующее (св. Хлеб) и возглашает:

Святая святым.

Народ:

Господи помилуй. Един Отец Святой, един Сын Святой, един Дух Святой. Аминь.

Иерей:

Господь со всеми вами.

Народ:

И со духом твоим.

Иерей:

Благословен Господь во веки.

Народ:

Аминь.

Иерей:

Мир всем.

Народ:

И духови твоему.

Иерей:

Тело святое и Кровь честная, истинная, Иисуса Христа, Сына Божия. Аминь.

Народ:

Аминь.

Иерей:

Тело святое и Кровь честная, истинная, Иисуса Христа, Сына Божия. Аминь.

Народ:

Аминь.

Иерей:

Тело и Кровь Эммануила Бога нашего, сие есть воистину. Аминь.

Народ:

Аминь.

Иерей:

Верую, верую, верую и исповедую до последнего дыхания, яко сия есть Плоть животворящая, юже приял еси, Христе Боже наш, от святых Владычицы нашея Богородицы и Приснодевы Марии, и сотворил еси ю едину с Божеством Твоим, не в смешении, ниже в слиянии, ниже в изменении, и засвидетельствовал еси при Понтийстем Пилате доброе исповедание, и предал еси ю за всех нас, взем на древо Креста святого, по воле Твоей.

Воистину верую, яко Божество Твое никакоже отделился от человечества Твоего ни на один миг, ниже на мгновение ока. Предал еси ея во искупление и во оставление грехов и в жизнь вечную от нея причащающимся.

Верую, яко сие есть воистину. Аминь.

Народ:

Аминь.

Диакон:

В мире и любви.

Иерей возглашает:

Непостижимый Боже, Слово не вмещимое, вечное, прими от нас грешных, от недостойных уст, пение с высшими силами. Тебе бо подобает всякая слава, честь и поклонение со безначальным Твоим Отцем и животворящим Духом во вся веки веков. Аминь.

Народ произносит ПСАЛОМ 150:

Хвалите Бога во святых Его, хвалите Его во утверждении силы Его.

Хвалите Его на силах Его, хвалите Его по множеству величества Его.

Хвалите Его во гласе трубне, хвалите Его во псалтири и гуслех.

Хвалите Его в тимпане и лице, хвалите Его во струнах и органе.

Хвалите Его в кимвалех доброголасных, хвалите Его в кимвалех восклицания.

Всякое дыхание да хвалит Господа.

Диакон:

Соберитесь и изыдите, диаконы, со благоговением.

Иерей читает БЛАГОДАРСТВЕННУЮ МОЛИТВУ по причащении Святых Таин.

Диакон:

На молитву станите.

Иерей:

Мир всем.

Народ:

И духови твоему.

Диакон:

Помолитесь по Святем Причащении.

Народ:

Господи помилуй.

Иерей:

Благодарим Тя, Слове Божий истинне, Иже от сущности безначального Отца, яко тако возлюбил еси ны и дал еси Себе за ны, пожрен быв. Даруй нам чрез пречистое Твое Тело и честную Твою Кровь искупление, яко сподобил еси нас ныне, Человеколюбче, прияти от них благодарение. Сего ради исповедуем Тя ныне, Человеколюбче Блаже,

И Тебе славу и честь и поклонение непрестанно возсылаем, со Безначальным Твоим Отцем и Святым Твоим Духом, ныне и присно и во веки веков.

Народ:

Аминь.

Диакон:

Главы ваша Господеви приклоните.

Иерей:

Сый, Иже бе, Иже грядый в мир просветити его, воплотивыйся, вочеловечивыйся и распныйся за ны, и волю страдавый плотию и пребывый безстрастен яко Бог, и погребыйся, и воскресый в третий день, и возшедый на небеса, и седяй одесную величества славы Отца, Божественнаго же и Святаго и Единосущнаго и Единосильнаго и Единославнаго и Совечнаго Духа пославый на святыя Твоя ученики и апостолы, и чрез Него просветивый их, чрез них же всю вселенную, Христе, истинный Боже наш.

И ангелов четверообразных животных безтелесных, и ангелов дванадцати четырех старцев. Святаго славнаго пророка, Предтечи, Крестителя и мученика Иоанна.

Святаго Стефана, перводиакона и первомученика.

Божественных, священных славных апостолов, победоносных пророков и добропобедных мучеников.

Святаго и блаженнаго отца нашего Марка, апостола и евангелиста, и всех святых Твоих.

И спаси и помилуй и благослови вся христианы.

И Тебе слава и честь и поклонение со Безначальным Твоим Отцем и Святым Духом, ныне и присно и во веки веков. Аминь.

Диакон:

В мире Божиим совершися Божественная Литургия, юже устави иже во святых отец наш Богослов Григорий.

* * *

Тексты, имеющиеся в издании *Patrologia Graeca*, но не включенные в афинское издание 1981г.

МОЛИТВА ЦЕЛОВАНИЯ (PG 36,705 CD):

Христе Боже наш, страшная и недомыслимая сила Бога и Отца, Иже на пламенном престоле херувимсте возседая и от огненных сил дориносимый, и огонь поаяющий Сый яко Бог, Иже по Твоему неизреченному снизохождению и человеколюбию не воспретивый приближению лъстиваго предателя, но дружественно его целовавый, влеча его в покаяние и познание собственныя дерзости. Сподоби нас, Владыко, в страшный сей час кроме всякаго двоедушия и в прощении зол прияти друг друга во святем целовании. И да не осудиши нас за несовершенство, но якоже приятно есть Твоей благодати, очисти от всякаго кваса греха и лукавства и смертоноснаго памятозлюбия. Сам убо, по Твоему неизреченному и неисповедимому благоутробию, видя естество наше немощствующее и долу поникшее, избави от всякия скверны прегрешений наших, да не в суд или во осуждение нам будет божественное сие таинство. Ты бо еси могий всякий отпустить грех, и превосходити неправду и беззаконие непотребных человек, очищение миру всему Сый, и Тебе подобает от всех согласно славословие, честь и поклонение, вкупе со пречистым Твоим Отцем, и Животворящим Твоим Духом, ныне и присно и во веки веков.

МОЛИТВА ПРЕЛОМЛЕНИЯ (PG 36,721 B — 724 C):

Иже Сый, Иже бе, Иже грядый, и паки приходый. Иже одесную Отца седая, Хлебе, шедый с небесе и жизнь давая мирови, Великий Архиерее, Начальниче спасения нашего, Свете истинный прежде всех век. Иже Сый сияние славы и образ ипостаси Самаго Твоего Отца, благоволивый и сподобивый снизойти с небесных высот, из утробы неприступнаго Света, и истиннаго и невидимаго единаго Отца. Воплотивыйся же от Духа Святаго и от преславныя, пречистыя, святыя Владычицы нашея Богородицы и Приснодевы Марии, и совершенно вочеловечивыйся, и по пременению, изменив человечество, соединивыйся ему по ипостаси, несказанно и недомыслимо, непреложно же и неслитно, душу имея словесную же и умную, и тако изшед из нея Богочеловек быв, единосущен Сый Отцу по божеству, и единосущен нам по человечеству. Не два лица убо, ниже два образа, (ниже в двух естествах познаваемый), но един Бог, един Господь, едина сущность, едино царство, едино владычество, (едино действие), едина Ипостась, (едина воля, едина природа Бога Слова воплотившаяся и поклоняемая). Распныйся же от Понтийскаго Пилата и исповедавый доброе исповедание, страдавый, и погребыйся и воскресый в третий день, и возшедый на небеса, и седая одесную величества Отца, поправый смерть, и ад разоривый, сокрушивый врата медная и верей железная сотрый, и плененнаго Адама воззавый из истления, и нас свободивый от лести диавольския. Сего ради молимся и просим Тя, Человеколюбче, Блаже, сподоби нас чистым сердцем смети безстрашно призывати всех Владыку, Небеснаго Бога, Отца святаго, и глаголати...

МОЛИТВА ИНАЯ ПРЕЛОМЛЕНИЯ (PG 36,724 BC):

Ты бо еси Слово Отца, Иже превечный Бог, великий Архиерей, Иже во спасение рода человеческого воплотивыйся и вочеловечивыйся, и призвавый Себе от всех языков род избранный, царское священство, народ святой, люди обновления. Сего ради молимся и просим Тя, Человеколюбче Блаже Господи, да не во обличение ниже в посрамление ниже в суд ниже во осуждение наших грехов будет жертва сия, о наших бо немощех приносим ю. Но якоже всесвятыя Твоя честныя дары сия всякия святыни исполнятся удостоил еси чрез вселение Всесвятаго Твоего Духа от них, тако и нас, грешных рабов Твоих, освятити сподоби души, телеса, дуси, непостыдным лицом, сердцем чистым, совестью неосужденною, освященными усты, в любви совершенней, и да смеем со дерзновением, кроме страха, глаголати святую молитву, юже предал еси Святым Твоим учеником и священным апостолом: Егда молитесь, тако молитесь: Отче наш...